

Pazka 1. Ako Szamoztavno Ime znamenujuche Nachina szamo prez Adjectivuma odgovarja na Pitanye kak? onda Predztavek *cum* poztavisze. v. P. Tvojega Lizta z-Veszelyem chtelszem. Tuas Literas cum voluptate legi.

Pazka 2. Ako pako z-Substantivumom dojde i Adiectivum, onda Praepositio cum poztavisze ali napervo, ali med Adiectivum i Substantivum, ali pak zevszema van zpuschasze. v. P. Tvojega Lizta z-velikem Veszelyem chtelszem. Tuas literas magna cum voluptate, vel, cum magna voluptate, vel, magna voluplate legi.

Substantiva znamenujucha Nachina jeszu, koja znamenuju Szerdcza Gibanye, Krepozt, ali Zlocheztochu. v. P. Ztrah, Dyedyer-nozt, Gruztenye, Vedyanye, Nazlob, Szerditozt, Radozt, Hvalu, Salozt, Mudrozt, Bedaztochu, Shegavozt, Chlovechnozt, Previdnozt, i. t. d.

Pazka 3. Ako vu Horvatzkom ime Pajdastvo, ibiti Dugovanye, prez kojega lahko moresze biti, znamenuje, onda *cum* Predztavek morasze poztaviti. v. P. z-Bratom jeszem izishel, cum fratre exivi. — Ako pak Znamenuje Orudelye, iliti takvo Dugo-